

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), na prijedlog Ureda za borbu protiv korupcije, Vlada Zeničko-dobojskog kantona, na 176. sjednici, održanoj dana 13.10.2022. godine, d o n o s i

ZAKLJUČAK

I.

Daje se saglasnost na Pravilnik o izmjeni Pravilnika o unutrašnjoj organizaciji Ureda za borbu protiv korupcije Zeničko-dobojskog kantona, broj: 02-30-6762-1/22 od 30.09.2022.godine.

II.

Zadužuje se Ured za borbu protiv korupcije Zeničko-dobojskog kantona da četiri potpisana i ovjerena primjerka Pravilnika iz tačke I. ovog zaključka dostavi Stručnoj službi Vlade radi ovjere date saglasnosti, nakon čega će po jedan primjerak biti dostavljen Ministarstvu za pravosuđe i upravu, Sekretarijatu za zakonodavstvo i Uredu za borbu protiv korupcije Zeničko-dobojskog kantona, a jedan primjerak će zadržati Stručna služba Vlade.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____ /22

Datum, 13.10.2022. godine

Z e n i c a

DOSTAVLJENO:

1x Ured za borbu protiv korupcije,

1x Stručna služba Vlade,

1x Ministarstvo za pravosuđe i upravu,

1x Sekretarijat za zakonodavstvo,

1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i člana 9. Uredbe o osnivanju Ureda za borbu protiv korupcije Zeničko-dobojskog kantona („Službene novine Zeničko-dobojskog kantona“, broj: 5/22), sekretar po ovlaštenju Ureda za borbu protiv korupcije Zeničko-dobojskog kantona, d o n o s i

P R A V I L N I K
o izmjeni Pravilnika o unutrašnjoj organizaciji Ureda za borbu protiv korupcije
Zeničko-dobojskog kantona

Član 1.
(Izmjena člana 9.)

U Pravilniku o unutrašnjoj organizaciji Ureda za borbu protiv korupcije Zeničko-dobojskog kantona, broj: 21- 30-6762/22 od 25.04.2022. godine, u članu 9. tačka c) riječi „stručni savjetnik“ zamjenjuje se riječima „stručni saradnik“.

Član 2.
(Izmjena člana 11.)

Član 11. mijenja se i glasi:

„Član 11.“
(Stručni saradnik za postupanje po prijavama koruptivnih aktivnosti i vođenju e-registara)

(1) Opis poslova radnog mjesta:

- a) postupa po prijavama za koruptivne aktivnosti prema institucijama u svrhu provjere navoda u prijavi i prosljeđuje iste nadležnim organima i institucijama na postupanje,
- b) potiče saradnju, te usmjerava i koordinira komunikaciju između svih subjekata obuhvaćenih strateškim planovima borbe protiv korupcije,
- c) zadužen je za saradnju i koordinaciju sa Agencijom za prevenciju korupcije i koordinaciju borbe protiv korupcije i ostalim pravnim subjektima, organima i organizacijama koje su nadležne u postupanju u oblasti borbe protiv korupcije, kao i pravosudnim organima,
- d) uređuje prikupljanje i obradu podataka za e – registre koje vodi Ured (e – registar javnih nabava, e – registar zaposlenih u javnom sektoru, e – registar subvencija i poticaja, druge registre i evidencije kojima se unapređuje efikasnost i osigurava transparentnost rada institucija),
- e) sprječava neovlašteno ili slučajno pristupanje podacima sa kojima raspolaže,
- f) inicira preporuke i smjernice za provođenje i drugih propisa i strateških dokumenata,
- g) inicira i učestvuje u izmjenama propisa iz nadležnosti Ureda,
- h) učestvuje u organizaciji aktivnosti u vezi sa prevencijom i borbom protiv korupcije,
- i) učestvuje u izradi Strategije za borbu protiv korupcije Zeničko-dobojskog kantona i Akcionog plana za provođenje Strategije za borbu protiv korupcije Zeničko-dobojskog kantona.
- j) sve poslove navedene u opisu radnog mjesta obavlja po procedurama utvrđenim

- međunarodnim standardom EN ISO 9001,
- k) obavlja i druge poslove koje mu odredi sekretar Ureda.
- (2) Posebni uslovi:
- a) VSS - VII stepen odnosno završeno visoko obrazovanje prvog ciklusa Bolonjskog sistema studiranja-ciklus studija sa najmanje 180 ECTS bodova–završen fakultet društvenih, humanističkih ili tehničkih nauka.
 - b) 1 (jedna) godina radnog staža u struci nakon sticanja visokog obrazovanja,
 - c) položen stručni ispit za rad u organima državne službe,
 - d) poznavanje rada na računaru.
- (3) Vrsta djelatnosti: Osnovna djelatnost.
- (4) Naziv grupe poslova: Stručno-operativni i informaciono-dokumentacioni poslovi.
- (5) Složenost poslova: Složeni.
- (6) Status izvršioca: Državni službenik.
- (7) Pozicija radnog mjesta: Stručni saradnik.
- (8) Broj izvršilaca: 1 (jedan).

Član 3.
(Stupanje na snagu)

Ovaj Pravilnik stupa na snagu danom davanja saglasnosti Vlade Zeničko-dobojskog kantona na isti.

Broj: 02-30-6762-1/22.
Datum, 30. 09 .2022.godine
Zenica

Sekretar po ovlaštenju
Ureda za borbu protiv korupcije

Dževad Fejzić

Na ovaj pravilnik data je saglasnost Vlade Zeničko-dobojskog kantona, Zaključkom broj: 02-30-_____/22 od __.__.2022. godine.

SEKRETAR

Nedžad Mulagić

O b r a z l o ž e n j e